

日流明圓蓋方輿均有涵濡之澤陰靈陽耀
永消輪轉之憂臣不勝激切望恩之至謹再
拜稱謝以聞

道遠快樂天壽

引歸靜默堂

靈寶領教濟度金書卷之三十五

靈寶領教濟度金書卷之三十六

洞微高 開光救苦真人真金真校
靈寶通玄弘敷水南先生林靈真編

科儀五成品 開成通用

醫治全形靈官醮儀

步虛 第八 灑淨

各稱法位

具位姓某謹焚香上啓

靈寶玄壇天醫治職仙官君吏混元十二炁
化生大將軍解冤釋結大神浣濯司命簡司
仙官將吏隨機應感一切真靈伏以聖澤春
融廣覆三塗之熱惱神功雨潤普滋萬類之
沉淪玄曹列靈寶之班紫禁奉虛皇之令威
靈有赫變化無方九返七還坐致枯骸而再
潤千和萬合能令異骨以成親澄清入解之
泉織麗六銖之服凡伸皈命悉藉垂情今有
齋主某開度亡故某人蒙潤塵緣遂淪冥境
二堅乘危而結繫四大倏離千究茹恨以投
艱億齡未釋况形神之垢穢與容止之彫零
非賴神通曷符應感一封露奏已承帝救之

昭宣萬騎風馳想見威靈之廓奕爰陳菲供
爾教葵衷法衆運誠至心奉請

志心奉請靈寶玉司天醫尚藥靈官主辨
形候靈官隨病制藥仙官修合煅鍊仙官
生形博士復肥主者治病功曹收毒將軍
三五功曹數藥靈官察脉論病靈官請藥
療病靈官砭石小吏扁鵲官吏玉清混元
十二炁化生大將軍靈寶玄局聚菟功曹
聚炁功曹聚形功曹返魂功曹全形功曹
合形功曹迴骸功曹起死功曹靈寶解冤
釋結靈官五經博士能談善說靈官如意
萬司解釋冤對三大神靈寶浣濯司靈官
玉清通變屏穢靈官九風破穢君五方解
穢君天河東井君浣濯夫人黃華玉女靈
寶巾筒司靈官青玄金木仙衣玉女金木
仙帶玉女伏望上遵帝教下副凡情風馬
雲車來臨法會

初獻 散花

伏以太極分精人物並生於覆載先天設象
神靈發理於陰陽仰止班聯具嚴函簿陸離

劍佩仙真統御於雍雍赫奕旌旄僚案羽儀
於肅肅上承帝命下沛宸恩明金石草木之
方五行順序復魄氣血之正百體還陽悉
解悟於究憎普齊同於慈愛湛然定水依稀
浴無垢之真華矣天衣彷彿映有形之質既
神靈之運化无極故臭腐之歸歎何窮混合
風雲允承流於丹闕數羅雨露諒莅事於玄
壇成乾坤未成之功全造化莫全之妙靈无
如在寵渥惟新法衆運誠恭陳亞獻

亞獻

伏以上帝好生種種示回生之典下民趨死
奉奉折起死之恩故建設於仙僚庸拯提於
冥路惟茲亡奏痛幽途寇莫大於陰陽本
真已喪命遠分於生死朽骸嗜况况黃壤之
沉零致丹元之蕩失精神莫濬究對猶榮非
憑攝化以回靈易俾超凌而度命伏望格遵
帝旨誕佐天工伺召到於魂儀即廓施於神
變五靈孕秀二象攝生續絕補傷完藏府之
榮衛聚功委悉備經絡之神靈歎言調伏而
寬會和同法水沾濡而容儀濟楚合百神理

五炁期仙化以成人超八難度三途可凌虛
而乘景皈依聖日鼓舞成風法衆運誠恭陳
三獻

三獻

三獻既周一忱早露伏奠宣符中陸駐景前
惟梵炁扶搖儼審林之在上靈光洞煥似蓮
座以居中宏敷功德之光普施慈悲之造言
功遠實不負勳庸定今合符允貴化育其不
勝虔禱之至

向來

又

伏以函三御化數妙有之神輝得一分靈疑
虛无之祖炁自鑿七關於混沌連榮萬竅於
洪濛生也有涯殞天常而孰獲老之將至罹
地禁以誰扶匪由上聖之深慈曷極下愚之
極苦以今有其人開度未慮陰翳莫返陽
靈誠露朱章已扣紫垣而上徹恩頒丹詔諒
宜玄局以遠臨茲神徽召之恭為復提携之
德伏望雲騰俯駐月輪來游鑿絲粟之奏忱
款刀圭之菲薦効動受事宣德承符去下情

不勝激切之至

請聖 初獻

伏以帝德彌羅御三天而化育真慈快廓披
九地以生成開春誕布於慈風啓旦昭宣於
慧日金符煥耀明息點補劑之功玉簡輝煌
德續短斷長之惠圓方有截陶冶无遺今齊
主去妄境謀身塵樊涉跡天和風靡榮病網
於生前人偶雲滋翺宛輪於死後莫奏樂喜
惟抱杞憂况四大之各離而九京之長往百
神蕩失誰操拯溺之舟萬飛飛奔執曳救焚
之駕冀微靈貺為運神功慈非及物之儀辨
香真切願體度人之典米竭動樂其無任虔
懇之至

亞獻

伏以靈寶萬司羅佩環而赫奕樞機二府列
初履以陸離開幽乘功德之光佐理溥玄元
之化惟茲亡奏久墮幽關病絲心生身雖空
而病莫釋究隨意結形徒散而寬愈深幸承
愛日於虎關將脫苦靈於杆室匪于神違曷
保飛仙伏望妙濟經綸解五行之熱悉歎言

調伏消四負於冤氛享安樂福而痼病烟收
結歡喜緣而冤仇亦散黑編削字音簡賂名
更莫混元仙曹化生靈職神通密運俾經絡
藏府之重完聖變潛彰庶魂魄精神而再造
證法身之清淨全妙體之輕盈飛步虛无疑
真空洞蒙如丹橋允荷玄恩去不勝虔祝之
至

三獻

以今夜添澄清宸華照耀願承流於丹陛恪
在職於玄壇伺召靈儀來參聖慕心病身病
之解脫風定波澄人相我相之齊同雲收月
皎返萬神於死蒂復五炁於生根扣首皈依
勤奉伺命為如上緣志心稱念慈悲救苦天
尊和不可思議功德
靈寶頌救濟度金書卷之三十一

靈寶頌救濟度金書卷之三十七

洞微高士關光救苦真人壽全真授

靈寶通玄弘教水南先生林靈真編

科儀立成品

宿啓儀

步虛

燒香頌

宣衛靈呪

東方

各禮師存念如法

九炁青天 明星大神 煥照東鄉 洞映九門

轉燭陽光 掃穢除氛 闡明童子 號曰玄卿

備衛我軒 上對帝君 收魔束袂 討捕兇群

奉承正道 赤書玉文 九天符命 攝龍驛傳

普天安鎮 我得飛仙 和與道合真

南方

三炁丹天 煥景流光 熒星轉燭 洞煥太陽

上有赤精 合契虛皇 闡明童子 號曰華芳

總御火兵 備守玉堂 斬邪束袂 剪穢魔王

北帝所承 風火衝當 流鈴交煥 翊衛壇場

正炁流行 敢有猖狂 我奉上功 坐運魁罡

億劫長存 保天無疆 和與道合真

西方

七氣素天 太白流精 光耀金門 洞朗太冥

中有素黃 號曰帝靈 保神安鎮 衛我身形

斷絕邪源 王道正明 宮殿整肅 三景齊并

道合自然 飛升紫庭 靈寶符命 普衛萬生

元皇止氣 來合我身 功加一切 天地咸寧

北方

北方玄天 元始徘徊 辰星轉燭 洞煥太微

黑靈尊神 號曰層威 統冠飛天 仙裾羽衣

備守五門 檢精捕非 敢有干試 謬落斬摧

玉符所告 神真八威 邪門閉塞 正道流輝

三光映照 我身無衰 策空駕浮 舉形仙飛

和與道合真

中央

黃炁中央 調理乾坤 陶鑄陰陽 總統玄真

鎮星吐輝 流耀九星 闡明童子 號曰天璣

陽炁燄上 朱煥炎精 洞照內外 運我身形

百邪摧落 攝役鬼靈 中山神呪 普天使聞

五靈安鎮 身飛上清 和與道合真